



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 414; 033 726 409
fax. +387 33 726 423; 726 414
e – mail: info@voda.ba

Broj: UP-1/21-3-40-229-7/22

Datum: 04.08.2022. god.

«Agencija za vodno područje rijeke Save» Sarajevo rješavajući po zahtjevu Investitora Karić Seada i Karić Ibrahima za donošenje rješenja o vodnoj dozvoli za ispuštanje tehnoloških otpadnih voda u recipijent sa lokacije servisa za održavanje i popravak motornih vozila izgrađenog u naselju Prnjavor, općina Kalesija, na osnovu člana 139. stav (1) tačka 3., Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Investitorima Karić Seadu i Karić Ibrahimu daje se vodna dozvola za ispuštanje tehnoloških otpadnih voda u recipijent sa lokacije servisa za održavanje i popravak motornih vozila, izgrađenog na zemljištu označenom kao k.č. broj: 1246/2 K.O Prnjavor, općina Kalesija.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu pregleda dostavljene projektne i druge dokumentacije, utvrđenog činjeničnog stanja i uz slijedeće uslove:
 - 3.1. Da se upotreba i korištenje predmetnog kompleksa vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Korisnik poslovnog objekta za sve vrijeme trajanja ove vodne dozvole treba obezbijediti da se oborinske onečišćene vode sa parking prostora i radno manipulativnih površina, a koje mogu biti onečišćene suspendovanim materijama, naftom i naftnim derivatima, kao i tehnološke otpadne vode iz servisne radionice, sakupljaju putem slivnika te internom kanalizacionom mrežom odvođe do ugrađenog separatora ulja i naftnih derivata, a zatim tako prečišćene ispuštaju u putni kanal.
 - 3.3. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda (separator, slivnici, rešetke, kanalizaciona mreža, odvodni kanali), redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.4. Čišćenje, odvoz i konačno zbrinjavanje sadržaja separatora i drugog opasnog otpada povjeriti pravnom licu ovlaštenom za tu vrstu djelatnosti prema sklopljenom ugovoru.
 - 3.5. Prečišćene tehnološke otpadne vode moraju ostati u maksimalno dopuštenim granicama definisanim članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o

- vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i zauljenim otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.8. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
 - 3.9. Korisnik objekta je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
 4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07 - 03/16), Prilog 1., Poglavlje V, tačka 12. – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, fizičko lica, odnosno korisnici objekta Karić Sead i Karić Ibrahim je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu autoservisa obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Investitor Karić Sead i Karić Ibrahim obratio se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda u recipijent sa lokacije servisa za održavanje i popravak motornih vozila, izgrađenog na zemljištu označenom kao k.č. broj: 1246/2 K.O Prnjavor, općina Kalesija.

Uz zahtjev je dostavljena slijedeća dokumentacija:

- Ovjerena kopija lične karte;
- Kopija Rješenja o odobrenju za upotrebu autoservisa broj: 02/2-1-23-3-566 od 11.09.2015. godine izdato od strane Općinske službe za prostorno uređenje, građenje i komunalne poslove;

- Kopija Rješenja o odobrenju za građenje autoservisa broj: 02/1-1-23-2-431 od 22.07.2010. godine izdato od strane Općinske službe za poduzetništvo i budžet;
- Potvrda da objekat u vlasništvu Karić Seada i Karić Ibrahima posjeduje priključak ja javnu vodovodnu mrežu;
- Glavni projekat poslovnog objekta izgrađenog u naselju Gornja Kalesija, urađen od strane „Invest-projekt“ d.o.o. Živinice maj 2009. godine;
- Dokaz o uplaćenju upravnoj taksi.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), izvršen je pregled predmetne lokacije i tom prilikom sačinjen zapisnik o uviđaju broj: UP-1/21-3-40-229-3/22 dana 06.06.2022. godine.

Lokacija na kojoj će se nalaziti objekat servisa za održavanje i popravak motornih vozila čini katastarska čestica označena kao k.č. broj: 1246/2 K.O Prnjavor, općina Kalesija.

Osnovna namjena ovog objekta je iz oblasti usluga servisiranja (automehaničarski poslovi) putničkih automobila. U objektu automehaničarske radnje vršiti će se popravka i servisiranje putničkih vozila, gdje se proces rada svodi se na slijedeće aktivnosti:

- pregled vozila radi utvrđivanja obima radova
- servisiranje, mehanička i elektro opravka na motornim vozilima
- mehanički radovi na podstroju vozila
- podmazivanje svih habajućih dijelova na vozilima
- izmjena tečnih medija na vozilima (motornog ulja, kočionog ulja, rashladne tečnosti-antifriz),
- kod većih kvarova, rastavljanje motora vozila, uz čišćenje dijelova motora ili zamjenu oštećenih dijelova

Tehnološke otpadne vode nastaju unutar poslovnog objekta prilikom povremenog pranja unutrašnjih i vanjskih površina gdje se vrše usluge servisiranja motornih vozila.

Tehnološke otpadne vode i oborinske onečišćene vode će se prikupljati putem slivnika sa slivnom rešetkom u internu kanalizacionu mrežu i odvesti do tipskog separatora, te preko okna za monitoring ispuštati u putni kanal.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 14., 19. i 20 Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07). U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli (broj: UP-I/25-3-40-668-4/15 od 17.02.2016. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva. Od strane Službe za prikupljanje prihoda od vodnih naknada ove Agencije dobijen je odgovor da se Investitor Karić Sead i Karić Ibrahim ne nalaze u registru obveznika koji izvršavaju svoje zakonske obaveze, odnosno obveznika koji vrše plaćanje PVN-a.

Pravno lice je dana 02.08.2022. godine putem e-maila dostavilo Izvještaj o obračunatim i uplaćenim vodnim naknadama za period od 01.01.2016. do 15.07.2022. godine po osnovu općih vodnih naknada.

Na osnovu provedenog postupka konstatuje se da je podnosilac zahtjeva Karić Sead i Karić Ibrahim ispunio minimum uslova za izdavanje vodne dozvole za ispuštanje tehnoloških otpadnih voda sa lokacije servisa za održavanje i popravak motornih vozila izgrađenog na zemljištu označenom kao k.č. broj: 1246/2 K.O Prnjavor, općina Kalesija., te je riješeno kao u dispozitivu ovog Rješenja.


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, B.Sc.inž.građ.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ

Dostaviti:

- Karić Sead i Karić Ibrahim, ul. Halisijska bb, 75260 Kalesija
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava